

Thu also von C. in D. so berührt die Nadel 122. vnd ist die weite 540. Schuch / schreibt das auch. Sehe als dann von D. I. weil allda das Bollwerck anfangt / so berührt die Nadel 194. vnd da du von D. nach I. messest / findest du auch nach 120. Schuch ein Statt Thor / so 20. Schuch / breit / schreibt solches auch auff / vnd messe weiter bis I. so schndt es noch 310. Schuch / die schreibe auff / vnd dieweil allhie ein Bollwerck / So sehe von I. in K. berührt 125. vnd ist lang 90. Schuch / von K. in L. berührt 183. vnd ist die weite 120. Schuch / von L. in M. 270. vnd helt 120. Schuch / von M. in H. berührt 327. vnd helt 90. Schuch / vnd letztlich von H. in A. berührt die Nadel 263. vnd ist weit 450. Schuch / solches alles schreibe fleissig auff / wie es dir zum Exempel hie neben vorge-  
stalt ist.

### Bericht wie man solches soll eintragen.

**D**A man nu solches auff dem Papier recht eintragen vnd ab-  
reissen will / So muß man vor allen dingen bedencken / wie  
groß das man die Figur haben will / wie wir hie vorn Cap.  
IX. aelchrt. Dann / soll man diese Figur auff ein ganz grossen bo-  
gen Papier reissen / so köndte man ein Zoll 60. Schuch gelten las-  
sen / das war jeder Gerstenkörnlein 12. Schuch. Soll man aber  
die Figur nicht grösser machen / als die so hie vorn mit A. B. C. D.  
vnd E. vorgezeit ist / So muß man jeder Gerstenkörnlein 60.  
Schuch gelten lassen / also das die länge A. B. dir auff dein Maß-  
stab / nicht mehr als 9. Gerstenkörnlein wird geben. Da man nun  
das Papier auff ein eben Tisch / wie gesagt / vest angeklebt vnd wol  
betrachtet hat wo man am besten auff's Papier anfangen soll / das die  
ganze Figur (wie vorn angemelt) auff dem Papier stehen möcht /  
da muß man ein Stecknadel / als hie bey A. stechen / das Instru-  
ment an der Stecknadel legen / vnd so lange herum ab drähen / bis  
die Magnetenadel 38. berührt / vnd reisset man als dan auß A. ein  
blinde